



Këshilli Vendor Rinor

Këshilli Vendor Rinor luan një rol të rëndësishëm në identifikimin dhe mbështetjen e të rinjve NEET përmes ndërmjetësimit me institucionet lokale, organizimit të aktiviteteve ndërgjegjësuese dhe anketave, rrjetëzimit me organizata dhe shkolla, si dhe mbështetjes për integrimin social dhe profesional të tyre, ndërsa monitoron dhe raporton progresin e tyre në bashki.

Punonjësi Rinor në Bashki

Punonjësi Rinor në Bashki luan një rol thelbësor në identifikimin dhe mbështetjen e të rinjve NEET, duke mbledhur informacion përmes rrjeteve lokale, organizuar aktivitete ndërgjegjësuese, ofruar konsultime të drejtpërdrejta, koordinuar me shërbimet e tjera dhe monitoruar progresin e tyre për të siguruar një mbështetje efektive.



Drejtoria Rajonale e Arsimit Parauniversitar

Ka përgjegjësinë të identifikojë të rinjtë që janë jashtë sistemit arsimor, të papunë dhe që nuk ndjekin trajnim profesional. Kjo përfshin grumbullimin dhe analizimin e të dhënave nga shkollat, zyrat e punësimit, dhe institucionet e tjera relevante.



Zyra Vendore e Arsimit Parauniversitar

Ka përgjegjësi për monitorimin, vlerësimin dhe inspektimin; planifikimin e buxhetit të shkollave; mbledhjen dhe përpunimin e të dhënave statistikore; zbatimin e kurrikulës dhe standardeve; ofrimin e asistencës teknike në shkolla, punësimin e mësuesve dhe bashkërendimin me autoritetet vendore.



Institucionet arsimore publike dhe private

Kanë përgjegjësinë për të monitoruar vazhdimisht praninë e nxënësve në shkollë. Nxënësit që mungojnë shpesh ose që largohen nga shkolla janë në rrezik të bëhen NEET dhe duhet të identifikohen herët.



INSTITUCIONET E MUNDSHME PËR IDENTIFIKIMIN E NEET

Zyra e Punës

Zyra e Punës luan një rol strategjik në identifikimin dhe mbështetjen e të rinjve NEET, duke i regjistruar dhe vlerësuar nevojat e tyre, duke koordinuar me institucione dhe organizata, duke ofruar këshillim dhe trajnim, duke i lidhur me punëdhënësit, dhe duke monitoruar progresin e tyre për t'i integruar në mënyrë të suksesshme në tregun e punës ose në programe arsimore.





Drejtoria Rajonale e Formimit Profesional Publik

Ka përgjegjësinë për të grumbulluar dhe analizuar të dhëna nga qendrat e formimit profesional dhe institucionet e tjera relevante për të identifikuar të rinjtë që nuk janë të përfshirë në arsim, punësim ose trajnim. Ky proces përfshin monitorimin e regjistrimeve në programe trajnimi dhe analizimin e statistikave për të rinjtë që përfundojnë ose braktisin këto programe.


Zyra Vendore e Formimit Profesional

Kanë kompetenca territoriale në zonën e vendbanimit të personit apo selisë/degës së punëdhënësit, i cili pretendon të përfitojë nga një ose disa shërbime apo programe të ofruara nga kjo strukturë.



Qendra multifunktionale e Aftësisimit dhe Formimit Profesional

Janë të fokusuara në ofrimin e trajnimeve profesionale dhe shërbimeve mbështetëse për të ndihmuar të rinjtë të integrohen në tregun e punës dhe në sistemin arsimor.



Inspektoriati i Punës

Kryen inspektime në vendet e punës për të siguruar që ligjet e punës janë duke u respektuar dhe për të identifikuar çdo abuzim ose shkelje që mund të ndikojë negativisht tek të rinjtë. Gjatë këtyre inspektimeve, inspektorët mund të identifikojnë të rinjtë që janë të punësuar në mënyrë joformale ose që kanë nevojë për mbështetje shtesë për të qëndruar në punë.

Aktorë të tjerë



• **Organizatat e Shoqërisë Civile** ku përfshihen të gjitha organizatat që kanë si qëllim zbatimin e projekteve dhe aktivitete në ndihmë të të rinjve për zhvillimin e tyre personal dhe profesional. Këtu përfshihen edhe organizata të specializuara në trajnime të aftësive, këshillimi profesional dhe mentorim për të rinjtë.



• **Sektori Privat** (bizneset dhe ndërmarrjet) mund të ofrojë mundësi punësimi, praktika pune, trajnime dhe programe të tjera për të rinjtë. Po aq të rëndësishme janë edhe Agjencitë e Punësimit si ndërmjetësues për aksesin e të rinjve në tregun e punës.

Kjo fletëpalosje u përgatit nga Observatori për të Drejtat e Fëmijëve dhe të Rinjve në zbatim të programit "Arritja e të paarrturve 2", në kuadër të projektit "QENDRO në shkollë" financiar nga qeveria italiane nëpërmjet Ambasadës Italiane në Tiranë dhe zbatuar nga UNICEF.